

Na osnovu člana 81. stav 4. Zakona o prostornom planiranju i korištenju zemljišta na nivou Federacije Bosne i Hercegovine ("Službene novine Federacije BiH", br. 2/06, 72/07 i 32/08), na prijedlog Federalnog ministarstva prostornog uređenja, Vlada Federacije Bosne i Hercegovine, na 65. sjednici održanoj 6. augusta 2008. godine, donosi

## **U R E D B U**

### **O IZMJENAMA I DOPUNAMA UREDBE O TEHNIČKIM SVOJSTVIMA KOJE GRAĐEVINE MORAJU ZADOVOLJAVATI U POGLEDU SIGURNOSTI TE NAČINU KORIŠTENJA I ODRŽAVANJA GRAĐEVINA**

#### **Član 1.**

U Uredbi o tehničkim svojstvima koje građevine moraju zadovoljavati u pogledu sigurnosti te načinu korištenja i održavanja građevina ("Službene novine Federacije BiH", br. 29/07) u članu 2. stav 1. riječi: "Zakonom o standardizaciji Bosne i Hercegovine ("Službeni glasnik BiH", br. 19/01), bosanskohercegovačkim državnim standardima (BAS)" zamjenjuju se riječju "pravilnicima".

#### **Član 2.**

U članu 3. stav 1. riječi: "bosanskohercegovačkim državnim standardima (BAS), tehničkim propisima i drugim propisima, urbanističkim uvjetima propisanim posebnim zakonom, te drugim uvjetima propisanim posebnim propisima koji su od uticaja na bitne zahtjeve za građevinu" zamjenjuju se riječima: "pravilnicima i tehničkim propisima, te urbanističkim uvjetima propisanim Zakonom o prostornom planiranju i korištenju zemljišta na nivou Federacije Bosne i Hercegovine (u daljem tekstu Zakon)."

Iza stava 1. dodaje se novi stav 2. koji glasi:

"Svi građevinski proizvodi, materijali i oprema koji se ugrađuju u građevine moraju zadovoljavati uvjete propisane pravilnicima i tehničkim propisima o svojstvima građevinskih materijala, kao i urbanističkim uvjetima propisanim Zakonom."

#### **Član 3.**

U članu 8. iza stava 1. dodaju se novi stavovi 2. i 3. koji glase:

"Svi objekti koji su priključeni na niskonaponsku mrežu u roku od tri godine od dana stupanja na snagu ove Uredbe, moraju biti zaštićeni osiguračima-sklopkama-rastavljačima ugrađenim na mjestu priključka na niskonaponsku mrežu a koji zadovoljavaju uvjete propisane normom BAS EN 60947-3."

"Osigurači-sklopke-rastavljači iz stava 2. ovog člana se mogu ugraditi i na mjestima grananja niskonaponske mreže, čiji će optimalan broj zavisno od konfiguracije mreže odrediti nadležna elektrodistribucija."

#### **Član 4.**

U članu 10. stav 1. riječi: "tehničkim standardima za termičku obradu, odnosno toplinsku izolaciju" zamjenjuju se riječima: "pravilnicima i tehničkim propisima koji se odnose na uštedu toplotne energije, toplotnu zaštitu, sisteme ventilacije, klimatizacije i grijanja."

#### **Član 5.**

U članu 12. stav 1. mijenja se i glasi:

"- U slučaju rehabilitacije dobara koja su Odlukama Komisije za očuvanje nacionalnih spomenika, uspostavljene Aneksom 8. Općeg okvirnog sporazuma za mir u Bosni i Hercegovini (u daljem tekstu Komisija) proglašena nacionalnim spomenikom, odnosno građevine u kojima se licima sa umanjenim tjelesnim sposobnostima osigurava nesmetan pristup, kretanje, boravak i rad, može se odstupiti od nekih bitnih zahtjeva za građevinu uz saglasnost Federalnog ministarstva prostornog uređenja (u daljem tekstu Ministarstvo)."

#### **Član 6.**

U članu 13. stav 2. mijenja se i glasi:

"Održavanje i korištenje građevine vrši se u skladu sa pravilnicima, tehničkim propisima i pravilima struke."

#### **Član 7.**

U članu 14. stav 1. riječi: " sa Privremene liste nacionalnih spomenika kao dobara koja su na osnovu zakona pojedinačnim rješenjem nadležnog organa registrirana kao spomenici kulture, graditeljskog naslijeđa, historijskog značaja ili prirodnog naslijeđa" zamjenjuju se riječima: "koje je Komisija proglasila nacionalnim spomenikom".

#### **Član 8.**

U članu 16. stav 1. riječi: "diplomirani inženjer i inženjer odgovarajuće struke s položenim stručnim ispitom iz člana 30. Zakona o prostornom planiranju i korištenju zemljišta na nivou Federacije BiH ("Službene novine Federacije BiH" broj: 2/06)" zamjenjuju se riječima " pravno lice koje ima u stalnom radnom odnosu diplomiranog inženjera ili inženjera odgovarajuće struke s položenim stručnim ispitom iz člana 30. Zakona".

#### **Član 9.**

U članu 19. stav 1., tačka 2) brojevi: "18. i 19." zamjenjuju se brojevima: "16. i 17."

#### **Član 10.**

Ova Uredba stupa na snagu osmog dana od dana objavljivanja u Službenim novinama Federacije BiH.

V broj 699/08  
6. august 2008. godine  
Sarajevo

PREMIJER  
dr. Nedžad Branković s.r.